

金匱要略今釋 卷二

王新華



金匱要略方論今釋卷二

川沙 陸彭年淵雷

撰述

受業妻嘉定沈本琰

參校

●瘧病脈證并治第四

證二條 方六首

瘧病以往來寒熱發作有時爲候。其病理原因。蓋難言矣。內經瘧論文既不甚可解。刺瘧論臚舉足六經之瘧。及五藏胃府之瘧。刺法失傳。今亦不能得其旨。後人或以爲溼。或以爲痰。皆臆測而已。西歷千八百八十年。法醫拉非蘭民 Laevenan 於瘧病人之血中。發見一種胞子蟲。即認爲瘧疾之病原。名之曰麻拉利亞原蟲。其後醫家詳加研究。知此蟲入於人之赤血球。每次分裂繁殖時。其人即瘧發。始惡寒。繼發熱。終則汗出熱退。胞子蟲種類不同。其成熟分裂之期有長短。故瘧有每日發。間日發。三日發之異。千八百九十七年。露斯氏 Ronald Ross 證明傳染之徑。



路係一種蚊。名安俄斐雷斯 Anopheles 者。介入人體傳染後發病前之潛伏期。自三十六小時至二十一日不等。此說爲現代西醫所公認。視爲鐵案者也。然春夏之交。蚊蚋已多。人不病瘧。瘧之流行。反在深秋。又有隆冬病瘧。寒熱汗三程悉具者。斯時蚊之絕迹已久。則蚊傳瘧蟲之說。已不可信。德人殼克氏 Koch 所持以證明細菌爲病原者。凡有三例。某病患者之體內必能檢得該病之病原菌。此其一。凡病原菌可以培養而得其純粹菌羣。此其二。將純粹菌種於動物體內。則動物現該病之特有證狀。此其三。然西醫之言麻拉利亞也。有所謂假面性閒歇熱者。其人血中不見胞子蟲。但以瘧疾特效藥奎寧治之而愈。亦謂之麻拉利亞。則與殼克之第一例不合。又有作弛張熱及稽留熱者。有並不發熱。但皮色污穢蒼白。心悸氣促。關節疼痛。體力衰脫者。以其血中皆有胞子蟲。亦謂之麻拉利亞。則與殼克之第三例又不合。由是言之。病瘧者未必由於胞子蟲染。胞子蟲而病者。未必作瘧型。胞子蟲之傳染。亦未必由於蚊類也。愚以爲細菌原蟲之足以致病者。



隨時隨地有之。卽健康人之體內亦常有病原菌發見。其人所以不病者。抗毒力充足。病菌於體內不能繁殖故也。病菌繁殖於體內必因其人抗毒力衰減之故。抗毒力之衰減多因外界氣候之異常變化。調節機能失於應付之故。然則國醫以六淫爲病原者。雖若膚淺而至理存焉。

師曰。瘧脈自弦。弦數者多熱。弦遲者多寒。弦小緊者下之差。弦遲者可溫之。弦緊者可發汗鍼灸也。浮大者可吐之。弦數者風發也。以飲食消息止之。

此條憑脈不憑證。乃脈經家言。非仲景法。然瘧脈自弦是事實。徵之實驗。瘧始發。惡寒戰慄時。其脈弦。發熱汗出時。則不弦。脈之所以弦。因淺層動脈收縮故也。淺層動脈收縮。則皮色蒼白。口唇指甲作紫藍色。見鬱血證。故脈弦與鬱血同時俱見。皆在瘧疾之惡寒期中。數屬熱。遲屬寒。亦是脈法大綱。弦小緊者以下。則不可過信矣。



徐彬金匱論註云脈大者爲陽小者爲陰緊雖寒脈小緊則內入而爲陰矣陰不可從表散故曰下之愈遲旣爲寒溫之無疑弦緊不沈爲寒脈而非陰脈非陰故可發汗針灸也瘧脈概弦而忽浮大知邪在高分高者引而越之故可吐旣云弦數者多熱矣而復申一義云弦數者風發見多熱不已必至於熱極熱極則生風風生則肝木侮土而傳其熱於胃坐耗津液此非徒求之藥須以飲食消息止其熾熱卽梨汁蔗漿生津止渴之屬正內經風淫於內治以甘寒之旨也

從尤氏刪節
其解弦數本

之乃師喻氏
醫門法律

元堅云此條就脈候以示瘧病證治之綱領蓋瘧是半表半裏之病其有表裏證亦少陽病邪之所派及不比傷寒太陽陽明之情機故其汗吐下亦與傷寒之治例不同所言弦數者多熱卽白虎加桂枝湯柴胡去半夏加括樓湯證也弦小緊者下之差鼈甲煎丸是也弦遲者可溫之柴胡桂枝乾薑湯是也弦緊者可發汗牡蠣湯是也浮大者可吐之蜀漆散是也療瘧之法實不能出於此數件矣又按

弦數者風發也。以飲食消息止之外臺無止字似義稍長。

病瘡以月一日發。當以十五日愈。設不差。當月盡解。如其不差。當云何師曰此結爲癥瘕。名曰瘡母。急治之。宜鼈甲煎丸。

外臺病瘡上有問字。其作期。丸徐鎔本作圓。下並同。

此條言瘡病至一月以上者。當治其瘡母也。一日發十五日愈。不差月盡解者。蓋謂瘡病不服藥。大抵節氣一更而自愈。否則節氣再更而自愈。然亦約略之詞。事實上並不盡然。故脈經無此文。但云瘡病結爲癥瘕。可以見也。瘡母字。依玉篇。當作瘞。莫厚切。云病瘞癖也。案瘡母。卽西醫所謂脾臟腫大。脾臟位於左脇下。作橢圓形。大小略如內腎。質甚柔脆。其生理功能。尙未明瞭。患急性熱病者。脾臟往往腫大。瘡病尤甚。發熱則腫。按之堅而痛。熱退則腫消。瘡母者。病久而脾腫不消也。據西醫之說。則因瘡發而脾腫。非因脾腫而發瘡。然瘡病熱退之時。血液中胞子蟲絕少。反於脾臟骨髓等深部。營分裂生殖。且脾腫不消而瘡不差。則謂久瘡由

於脾腫也亦宜。

鼈甲煎丸方

鼈甲十二分炙

烏扇三分燒

黃芩三分

柴胡六分

鼠婦三分

乾薑三分

大黃三分

芍藥五分

桂枝三分

葶藶一分熟

石韋三分去毛

厚朴三分

牡丹五分去心

瞿麥二分

紫威三分

半夏一分

人參一分去毛

廬蟲五分熟

阿膠三分炙

蜂窠四分炙

赤消十二分

蜣螂六分熟

桃仁二分

右二十三味爲末。取鑊竈下灰一斗。清酒一斛五斗。浸灰候酒盡一半。

著鼈甲於中。煮令泛爛如膠漆絞。取汁。內諸藥。煎爲丸。如梧子大。空心

服七丸。日三服。

千金方用鼈甲十二片又有海藻三分大戟一分蟻
蟲五分無蟲婦赤消二味以鼈甲煎和諸藥爲丸
廣

元堅云。古方所言分者。係裁分之分。非六銖爲分之分。此方鼈甲。千金注作三兩。而鍛竈下灰。與清酒。俱有定量。則他藥以分稱者。蓋後人所妄改。其三分者。宜作十八銖。六分宜作一兩十二銖。五分宜作一兩六銖。一分宜作六銖。二分宜作十

二銖四分宜作一兩。始合古義。淵雷案。千金作成死鼈十二片。治如食法。聖濟作鼈肉煎丸

生鼈肉半斤。治如食法。注云。要略作鼈甲三兩。而他藥皆以銖兩計。其方有大戟海藻蟲蟲無鼠婦赤消。共二十四味。分量亦頗異。原注所斟。殊不覈。浸灰候酒盡一半。千金作以酒漬灰。去灰取酒。

脾臟腫大。雖爲急性傳染病之併發病。然其所以腫。則因脾動脈生血栓。或竟栓塞。或因急性鬱血而起。西醫於血栓栓塞。殊無治法。故能知脾腫之原因。而不能治療。國醫不知脾腫。謂之瘡母。然治之以鼈甲煎丸。何其冥悟而默契也。方中藥味雖多。大要是行血消瘀之品。所以溶解血栓。滌除鬱血。殆所謂原因療法歟。意可見矣。

金匱述義引

程氏云。瘡母者。邪氣內搏於藏府。血氣羈留而不行。息而成積。故內結癥瘕。而外



作往來寒熱。內經曰。堅者削之。結者行之。以鼈甲主癥瘕寒熱。故以爲君。邪結於氣分者。厚朴半夏石葦蘆薈草瞿麥烏羽蜂房蟻蟬。下氣利小便。以爲佐。調寒熱和陰陽。則有黃芩乾薑。通營衛。則有桂枝柴胡。利血氣。則有阿膠人參。六味以爲使也。結得溫卽行。竈灰之溫。清酒之熱。所以制鼈甲。同諸藥而逐癥瘕瘡母。

丹波氏云。烏扇卽射干。見本經。千金作烏羽。赤消。活人書云。消石生於赤山。攷本草。射干散結氣。腹中邪逆。鼠婦治月閉。血瘕。寒熱。石韋治勞熱。邪氣。利水道。紫葳治癥瘕。血閉。寒熱。瞿麥利小便。下閉血。蜂窠治寒熱。邪氣。蟻蟬治腹脹。寒熱。利大小便。麁蟲治血積。癥瘕。破堅。鍛竈灰卽鍛鐵竈中灰爾。亦主癥瘕。堅積。此方合小柴胡桂枝大承氣三湯。去甘草枳實。主以鼈甲。更用以上數品。以攻半表之邪。半裏之結。無所不至焉。

師曰。陰氣孤絕。陽氣獨發。則熱而少氣。煩冤。手足熱而欲嘔。名曰瘴瘡。若

但熱不寒者邪氣內藏於心外舍分肉之間令人消鑠脫肉

此條語出瘧論。脫肉徐鎔本誤肌肉。趙刻本俞橋本及外臺並作脫肉。與瘧論同。
瘧論云其但熱不寒者陰氣先絕陽氣獨發則少氣煩冤手足熱而欲嘔名曰痺。
痺瘧者肺素有熱氣盛於身厥逆上衝中氣實而不外泄因有所用力腠理開。
風寒舍於皮膚之內分肉之間而發發則陽氣盛陽氣盛而不衰則病矣其氣不
及於陰故但熱而不寒氣內藏於心而外舍於分肉之間令人消鑠脫肉故名曰
痺瘧案陰氣先絕陽氣獨發云者其人津液少而體溫之形成亢盛所謂陰虛陽
盛之體也古人名體溫曰衛氣又以肺主氣故體溫形成亢盛者謂之肺素有熱。
又以心主火而爲陽藏故瘧病之但熱不寒者謂之氣內藏於心後人竟以痺瘧
爲心肺之病則誤矣體溫之放散身半以上爲多故氣盛於身則厥逆上衝少氣
煩冤也手足爲諸陽之本陽盛故手足熱熱干於胃故欲嘔名曰痺瘧痺者熱也。
津液本少又發痺瘧則體內脂肪蛋白質愈益分解而消耗故令消鑠脫肉。



南京中医药大学图书馆版权所有

溫瘧者。其脈如平。身無寒。但熱。骨節疼煩時。嘔。白虎加桂枝湯主之。
 瘧論以先熱後寒者爲溫瘧。但熱不寒者爲瘴瘧。金匱則瘴瘧溫瘧似無別。且瘴
 瘧但熱不寒。厥逆上衝。謂衝逆非冷之厥以證候論。亦是白虎加桂枝湯所主。然則雖無別
 可也。瘧脈自弦。如平。謂不弦也。身無寒。但熱。則脈不弦。可知瘧脈之弦。必在惡寒
 鬱血時矣。

元堅云。瘧邪本在少陽。故時嘔。此證則熱邪熏胃者爲甚。故身無寒。但熱。更就骨
 節疼煩視之。則猶有表邪在。故加桂枝於白虎湯中。以兼治表裏。白虎清涼而少
 陽之邪。亦解。猶三陽合病用白虎之例。傷寒論二百二十八條

白虎加桂枝湯方

知母

六兩

甘草

炙二兩

石膏

一斤

粳米

二合

桂

去皮三兩

右剉每五錢水一盞半煎至八分去滓溫服。汗出愈。

粳米二合。千金外臺及傷寒論白虎湯並作六合桂俞橋本作桂枝。並是。煮服法。

亦非仲景之舊。千金云。右四味咬咀。以水一斗二升。煮米爛去滓。加桂心三兩。煎取三升。分三服。覆令汗。先寒發熱汗出者愈。外臺此下更有十四字云。傷寒論云。用粄粳米不熟稻米是也。

聖濟總錄云。知母湯。方卽本治溫瘡。骨節疼痛。時嘔。朝發暮解。暮發朝解。

案之證治也。千金本

方極云。白虎加桂枝湯。治白虎湯證而上衝者。

方機云。瘧疾。身熱。骨節疼煩。渴欲飲水者。白虎加桂枝湯主之。

類聚方廣義云。霍亂吐瀉之後。身體灼熱。頭疼身痛。大渴煩躁。脈洪大者。宜此方。淵雷案。此方。千金外臺俱用桂心。凡仲景用桂枝。而千金外臺用桂心者。不一而足。細考之。殊無條理可尋。東醫吉益氏之流派。遂以桂枝桂心爲一物。俱治衝逆。然桂心味厚。桂枝味薄。衝逆而有表證者。宜桂枝。衝逆而下焦寒者。宜桂心。此方有骨節疼煩之表證。則用桂枝爲是。

吉益猷險症百問云。一婦人病瘧。乾嘔不能食。又惡心強食之。則必吐。發時。身體



南京中医药大学图书馆版权所有
NANJING UNIVERSITY OF CHINESE MEDICINE LIBRARY

疼痛寒少熱多嘔吐益甚試多與冷水則嘔吐稍止於是作白虎加桂枝湯令熱服之忽焉振寒發熱大汗出而愈淵雷案此案因白虎證不具而嘔吐劇南涯蓋偶憶金匱溫瘧有時嘔之證故先以冷水試之喜冷則可與白虎得冷水而嘔吐稍止則與本條之時嘔正合故用白虎加桂枝湯觀其得湯而病愈可知仲景所記證候皆由積驗而來可爲用藥之標準絕非率爾操觚者此大論要略之所以可寶也尤奇妙者服湯後振寒發熱大汗出而愈千金不云乎先寒發熱汗出者愈蓋溫瘧本無寒服藥反先寒則爲瞑眩瞑眩斯病愈矣讀金匱千金者於此等處往往漠不經意庸詎知其記用藥之標準記瞑眩之狀況乎夫漢唐醫書質樸翔實時醫不能讀其文不敢用其方獨嗜金元以後浮夸臆造之說旅進旅退不自濯磨坐使國醫黯然無色而東邦健者反乘時崛起不振宗風此亦吾黨之羞可不力爭上流以自雪乎

瘧多寒者名曰牡瘧蜀漆散主之



外臺引仲景傷寒論作牡瘧。元堅云宋本外臺作牡瘧。蓋其作牡者程衍道人重刻外臺祕要者所意改。吳氏醫方考云牡陰也。無陽之名故多寒名牡瘧。

蜀漆散方

蜀漆

腥洗去

雲母

燒二日夜

龍骨

等分

右三味杵爲散未發前以漿水服半錢。○溫瘧加蜀漆半分。臨發時服一錢七。

一方雲母

洗去腥趙刻本誤作燒去腥今據徐鎔本改。外臺方云蜀漆洗去腥雲母龍骨右三味等分搗篩爲散先未發前一炊以清酢漿水和半錢服臨發時更服一錢溫瘧者加蜀漆半分雲母炭火燒之三日三夜用注云雲母一作雲實。方極云蜀漆散治寒熱發作有時臍下有動者。

類聚方廣義云牝瘧七八發若十餘發後病勢漸衰者未發前一時許以酢水等分或新汲水服一錢七則吐水而愈。

程氏云蜀漆常山苗也。得漿水能吐瘧之頑痰。此方乃吐頑痰和陰陽之劑。故牝瘧溫瘧俱可服。元堅云雲母龍骨性用注家所說似未明晰。攷之本草亦未見有治瘧之能。竊以爲此二味及牡蠣俱有解水結之功。故與蜀漆相配能豁瘧痰也。肘後方曰老瘧久不斷者。末龍骨方寸匕先發一時。以酒一升半煮三沸及熱盡服。溫覆取汗便卽效。千金翼曰療痰飲頭痛往來寒熱方。常山一兩。雲母粉二兩。右二味爲散。熟湯服方寸匕。吐之止。若吐不盡更服。並與此方其意相似。又刺瘧篇次注曰。先其發時真邪異居波隴不起。故可治。過時則真邪相合。攻之則反傷真氣。故曰失時。蓋得此說而此方服法義益明矣。淵雷案此方用以截瘧無論寒多熱多。但臍下有動者甚效。若胸腹有動者加牡蠣。惟截瘧須於瘧發二五次以後行之。截之若早。常有貽後病。雖西醫習用之奎寧。用早亦滋流弊。又須於瘧發前一小時乃至二小時服藥。服早不過不效而已。服遲則瘧發更增躁擾。此皆經驗之事實。知古人信不我欺。

附外臺祕要方

○牡蠣湯治牡瘧。

牡蠣四兩

麻黃去節四兩

甘草二兩

蜀漆三兩

右四味以水八升先煮蜀漆麻黃去上沫得六升內諸藥煮取二升溫服一升若吐則勿更服。

各篇中附方蓋宋臣孫奇林億等校理醫籍時采入決擇頗精亦有本是仲景方而要略遺佚者故諸家注本多存而不去惟程氏直解及金鑑不載附方東醫亦與仲景方同論列此方外臺列於蜀漆散之前云仲景傷寒論牡瘧多寒者名牡瘧牡蠣湯主之方中甘草下有炙字蜀漆下更有七字云若無用常山代之煮服法云右四味切以水先洗蜀漆三遍去腥以水八升煮蜀漆及麻黃去沫取六升內二味更煎取二升去滓溫服一升卽吐勿更服則愈。

方極云牡蠣湯治甘草麻黃湯證或自汗或不汗者而胸中有動者方機云治瘧疾

惡寒甚。胸腹動劇者。兼用紫圓。

趙氏云。牡蠣。禹堅。消結除滯血。今更佐之蜀漆。以理心下所結之邪。而甘草佐麻黃。非獨散寒。且可發越陽氣。而通於外陽。通結去其病。卽瘥。尤氏云。蓋亦蜀漆散之意。而外攻之力較猛矣。元堅云。此方吐而兼汗者。張戴人法。間有此類。然愚嘗用治瘧夜間發。及熱甚無汗者。服後不吐而汗。稍稍邪解就愈。尤氏以謂外攻之力較猛者信矣。

○柴胡去半夏加括蔞湯。治瘧病發渴者。亦治勞瘧。

柴胡

八兩

人參

黃芩

甘草

各三兩

括蔞根

四兩

生薑

二兩

大棗

十二枚

右七味。以水一斗二升。煮取六升。去滓再煎。取二升。溫服一升。日二服。

外臺引張仲景傷寒論。瘧發渴者。與小柴胡去半夏加栝樓湯。方中甘草下有炙字。大棗下有擘字。日二服。作日三。汪云。經心錄療勞瘧案。勞瘧者。巢源云。凡瘧積

